

SPECIMEN ACADEMICUM
DE
ANTHROPOMORPHISMO.

QUOD
CONS. AMPL. FAC. PHIL. REG. AC. AB.
PUBLICÆ SUBJICIUNT CENSURÆ

Mag. JOH. ANDR. QUIDING
Scol. Milit. Sveab. Rector.

ET
JONAS LINDSTRÖM,
Angermannus.

In Auditorio Majori d. XXIV Apr. MDCCCV.
Horis a. m. Solitis.

ABOÆ, Typis FRENCKELLIANIS.

DOMINO

Mag. DANIELI BACKMAN

SACRÆ REGIÆ MAJESTATI A SACRIS

ET

CLASS. NAV. SVEAB. PASTORI.

Amico Honoratisimo

In pignus piæ ac venerabundæ mentis has voluit sacratas pagellas

AUCTOR.



§. I.

Homines antiquissimo tempore, quo adhuc omnes sere res tenebris obductæ fuerunt ignorantiae, Deum, tamquam Virum aut potius **S**enem sapientem, majestate plenum ac de robore gloriantem corporis, sibi repræsentasse, nec ad nobiliorem, naturæ **E**jes magis consentaneam & puriorem de **E**o cognitionem animum extollere potuisse aut voluisse, monumenta historica nos satis superque docent. Quod quidem non nobis est mirandum considerantibus, quantum temporis quantumque requiratur laboris ad majorem mentis collustrationem promovendam & altiorem culturæ gradum adscendendum, quæ lentis semper progressa est pedibus, priusquam omnia removere potuerit impedimenta, ab ignorantia & judiciis oblata præsumtis. Ut primum Diva, quam Christo acceptam referimus, Religio nova luce orbem illustravit, plures novimus hujus Religio-

A

nis

nis Sectas ab hoc Deum repræsentandi modo antiquorum gentium non discessisse, sed eodem ductos errore, Deum eadem esse figura ac hominis, contendisse, verba, in litteris obvia sacris, Deum secundum similitudinem suam hominem creasse, alia ratione non esse explicanda a). Ita homines, nimis a sensibus externis rebusque variis decepti, ideam Dei semper talem fixerunt, qualem de semet ipsis, quibus nihil majus aut excellentius cogitare possent, fecerunt, & propterea Deum, eis commotum affectibus, iisdem subiectum esse mutationibus, quas Natura subit humana, crediderunt. Ortum ita esse Anthropomorphismum, quo Naturæ Divinæ facultates attribuerunt humanas homines, concludere nobis licet b).

Re-

-
- a) Vid. l'Histoire Ecclesiastique Ancienne et Moderne par J. L. Mosheim, à Maastricht MDCCCLXXVI, Tom. 1^{re} pag. 444, et Tom. II, pag. 346, ubi hæc leguntur verba: *Il y eût quantité de gens du commun et même d'Ecclesiastiques, qui s'imaginerent, que Dieu avoit une figure humaine, qu'il étoit assis comme un Monarque sur un trône d'or, et plura.*
- b) "Anthropomorphisme, Dieser Name gebürht eigentlich "solchen Vorstellungen von Gott, welche nur Menschen "zukommen, aber von diesen auf Gott übertragen werden. In dieser bedeutung gebraucht ihn Kant sehr "richtig. Er erklärt ihn durch: *Verfünftlichung der "reinen Vernunft-Ideen von Gott, dem reiche Gottes "und der Unsterblichkeit.* In weitern sinne kann man "also allgemein die Uebertragung einer zu Sinnenwelt

Recentiori ævo, quod de progressibus litterarum maximis haud immerito gloriari potest, plures doctissimi Viri, qui ad ea, quæ plebeji mente assequi possent, animum non tamen satis intentum convertisse videntur, non solum omnem mouere lapidem ad veritatem demonstrandam, puriores ac Natura Divina digniores ideas, quantum fieri potest, menti humanae esse ingenerandas, omnesque homines tam clario-ri lumine rationis jam collistratos, quam adhuc ignaros, cognitionem sibi acquirere æque sublimem & Numini convenientem Summo debere contendenterunt, sed etiam omnia verba, quæ humana proprie designant, quibus haud insolito Natura repræsentata fuit Divina, defugienda, omnesque loquendi modos, qui anthropomorphismum redolent, esse evitandos, cum alias mens humana numquam ad res excellentiores, cœlestes & disquisitionem postulantes accuratiorem se extolleret, sed semper circa res versata terrestres ideam Creatoris æque humilem ac contemnendam teneret; & e contrario his placuit Viris eruditissimis urgere, quemque rudiorum doctorem oportere sum-
mum in eo ponere laborem, ut propositiones de Deo

A 2

di-

"gehörigen Eigenschaft auf ein Wesen außerhalb derselben darunter verstehen, so dass also der Anthropomorphismus nach obiger Erklärung nur eine Art des "Anthropomorphismus in weitern Sinne ist." — Vide Encyclop. Wörterbuch der Kritische Philos. von G. S. A. Mellin, 1 B. 1 Abtheil.

¶) (¶

divinisque facultatibus, veriores et ab omni re corpore liberatas, animis Auditorum instillet & ut homines ita instituat, ut magis magisque a mundanis corporeisque rebus animum cogitando abstrahant, quo Deum cultu magis prosequendum, amore dignorem & reverentia inveniant c). Res igitur est maximi momenti cuique justa eam penitanti lance, & præterea officium esse illius, qui alios dogmata Religionis docet & docebit, postulare mihi videtur, ut, summa diligentia adhibita, animum convertat attentum ad perscrutanda & definienda, quæ Doctoribus Ecclesiæ, Divinitatem repræsentaturis, ex homine & ~~scilicet~~ ipsi sint capienda, quam necessarium humano more cogitata de Deo Divinisque proprietatibus proferre sit æstimandum & quantum in re Religionis proponenda pariter ac tractanda, formulas dicendi, quales e natura deducuntur humana, usurpare liceat. Specimen igitur editarus, cogitationes de hac materia, vires ingeniali meas longe fortassis superante, Tibi, B. L., proponere ausus sum, sperans, ne conamina illius vitio vertas, cuius votum fuit summum, ut aliis, de eodem arguento cogitantibus, ansam ultioris disquisitionis præberet, & illis ita prodeffet.

§. II.

Originem suam ducere cognitionem humanam
ab

c) Vid. Neues Magazin für Prediger, herausgegeben von Doctor W. A. Teller, 2 B. 2 Stuck.

ab experientia, extra aleam positum est dubitatio-
nis; cum materiam omnium eorum, quæ cognitio-
nem ingrediantur & cognitionis fiant objecta, ope
experiencie in mentem introire sciamus. Experien-
tia enim neglecta, vana erit notitia nostra, nil fir-
mum, nil certum, cui adhaereat mens nostra, sed in
immenitate imaginum sive idearum sine pretio, tam-
quam in vacuo circumvolitat, nec locum, quo ma-
neat, invenit. Nostra vero experientia duplici prin-
cipio niti videtur, apprehensione, qua res extra nos
positas mente amplectimur, objectaque sensibus con-
spicua ad animum transferimus nostrum; & consciен-
tia immediata sive interna, qua omnia, quæ intra
nos fiunt & existunt, animadvertisimus, intuemur &
consideramus — operationes nostras & facultates.

Corporis sunt omnes nostri sensus externi, & o-
mnes res, quæ illos movere valent, quæ eos exci-
tatos titillant, &, quas illis auxiliantibus mens no-
stra capere potest, corporeæ sint oportet & quoque
revera corpora sunt. Orbis terrarum, quantus quan-
tus est, externus, quatenus ope sensuum apprehen-
ditur, corpus reperitur, & nullas alias res, nisi quas
mutationibus partium corporis exprimunt alii homi-
nes, mens nostra in illis capit. Animum eorum, o-
mnesque operationes, quæ intra eos fiant, nec ocu-
lis cernimus, nec auribus accipimus, nec sensibus
animadvertisimus externis, sed tantummodo auditis.
ac visis motibus & actionibus corporis animam eis.

in-

sinesse, quæ agit, operatur, dirigit, haud immerito concludimus. Omnes eorum cogitationes, omnesque appetitus semper nobis essent ignoti, nisi sensuum ope fuerimus experti, in quas res illæ conferantur & quorū hi tendant.

His duobus exceptis, nulla alia nobis aperta est via, qua, respectu materiæ cognitionis, ad notitiam cuiusdam rei pervenire possumus, quam ob rem omnia, quæ sensibus ministris externis non percipimus, per conscientiam immediatam a nobismet ipsis sunt petenda. Hinc patet, omnes res, quas ad spiritum pertinere dicimus, & ita extra orbem jacent visibilem, atque omnes operationes & facultates, quæ naturam efficiunt spiritus & quæ a nobis, ut spirituales sunt cogitandæ & cognoscendæ, ex nobis ipsis nostraque natura, ut unica spirituali natura, ad quam cognoscendam experientia nos immediate ducit, percipi oportere. Ex nostræ enim animæ natura ejusque facultatibus cognitis ad naturam & facultates aliorum spirituum concludere licet, & ita hac nostra conscientia interna ad notitiam indolis spirituum, quatenus illam cognitam habeamus, pervenimus.

Postquam vero materiam, in qua cogitationem figamus nostram, experientiæ externæ aut conscientiæ immediatæ ope obtinuimus, illam scilicet materiam ita cogitantes pertractare possumus, ut ex illa fluat

fluat notitia, quæ causis, ob quas operamur, respondeat. Qui oculos numquam aperuit, sed a prima infantia in tenebris quasi perpetuis dies transegit, quin sibi ideas colorum veras non fingeret, fieri non potest; colores vero si quando viderit, non eos solum ad memoriam, quando ei placuerit, revocare potest, & de illis judicia ferre, sed eos etjam variis componere modis sibique illos in omni casu & ratione, quæ cogitari potest, representare; ita etjain ille, qui per experientiam notionem spatii veram animo formavit, locum ut magnum, parvum, limitibus definitum aut eujuscunque figuræ ei placeat, cogitare quidem potest; eodemque modo res se habet, cum quæstio fuerit de animæ nostræ natura proposita. Quando enim experiendo certas & adæquatas notiones de anima nostra, operationibus ejusque facultibus nobis acquisiverimus, nullum quidem nobis obstat impedimentum, quominus in tot rationibus, casibus & gradibus, quot volumus, apud animum nostrum illas facultates & operationes proponere possimus, & in subiecto quodam quasi existentes cogitare. Indolem vero earum isto modo mutare quidem nequimus; semper enim eadem manet, licet variis modis in cogitando formam earum quasi mutemus. Judicium quidem semper erit judicium, quamvis illud acrius in quodam homine, in alio autem hebetius cogitemus, & vis quædam, quamquam in alio spiritu major & in alio longe minor, tamen eadem quoad indolem esse potest. Omnia igitur rerum

notitia spiritualium, quas cogitatione amplecti possumus, indolis ratione, ex nobis met ipsis est deducenda, quoniam nullam aliam cognoscimus naturam, cuius facultates & vires ad spiritus definiendos accommodare possumus, quamvis altera natura spiritualis alteram gradibus facultatum superare queat, & hoc modo altera ab altera distingvatur, si alioquin caussam inveniamus, aliam alia majorem & perfectiorem cogitandi.

§. III.

Ex his jam allatis patet, curam homini sumnam, si qua ratione Deum Divinaque attributa, ut spiritui convenientia, ante oculos quasi mentis pone-re aut cogitatione comprehendere possit, antea esse adhibendam in natura facultatibusque animæ suæ per-quirendis, ut eo certius proprietates Ejus essentiales inveniat, inventasque eas Divinitati sub ea condicio-ne attribuat, qua hæ perfectiones Divinitatis respec-tu intra nullos restringantur limites, sed immense ita extendantur, ut cum Natura Ejus æterna & in-finita conspirent. Quam ob rem sermone de Deo & proprietatibus Divinis instituto, ea omittenda esse quisque reperiat, quæ cognitionem scientiamque Ejus absolutissimam circumscriberent, diminuerent aut alio modo ex rebus metirentur finitis; cum Nu-men Summum, infinitum, quod per se existit, & qualem Deum nobis repræsentamus, nulli mutationi abnoxium esse possit, sed semper idem per sœcula ma-

maneat immutatum. — Proprietates e contrario
essentialis, facultas cognoscendi, agendi, sentiendi, eis,
quas nobis inesse animadvertisimus, analogæ sunt co-
gitandæ. Hac igitur ratione, cum Deum nobis re-
præsentamus, nullum committimus errorem, nec
quod majestatem Ejus Divinam offendat illave indi-
gnum sit, facimus. Nos ipse creavit, creandoque
nobis largitus est facultates, quibus rite cultis ani-
mum supra orbem sensibus conspicuum sublevare-
mus, ut gloriam & naturam Ejus infinitam oculo
intueamur clariori. Eum igitur talem, qualem Eum
cogitandi facultate gaudemus, nec alio modo nobis
esse cogitandum, certo certius constat. Cum vero
Eum naturamque Ejus nulla alia ratione cognoscere
possimus, nisi quod antea naturam animæ nostræ ac-
curate perscrutati sumus, neuno in dubitationem,
quin manifesta indicet Voluntas Divina, illum ita es-
se nobis animo singendum, revocare debet.

Sapientiam igitur Divinam & scientiam cogita-
tione percipere non possumus, nisi quoad sapientiam
& scientiam, quæ in nos quadrat tamquam entes
finitos, rite notam nobis habemus. Licet autem no-
stra cancellis circumscripta sit angustis & extra illos
egredi nequeat, attamen mens intelligit nostra, scien-
tiam Divinam omnes res præsentes, præteritas &
futuras semel comprehensas amplecti, & nihil, quod
fieri umquam potest, ignorare; & sapientiam Divi-
nam, ut nostra sapientia inter res cognitas optimam

eligit; ita optimum finem optimaque ex omnibus Eius immensitate cognitionis cognitis rebus instrumenta consilii sui perferendi eligere & velle. Facultas, qua operatur Deus ac agit, nostrae agendi facultati haud dissimilis recte habetur, ita scilicet essentialiter libera & efficax, sed infinita, immensa, ad totum se extendens universum. Bonitas Ejus, quæ ex omnibus elucet rebus, tamquam hominis benevoli perhibetur, sed ita ut felicitatem omnium eorum, quæ illa quodam frui possunt modo, simul respiciat, promoveat, promotamque augeat.

§. IV.

Quibus jam cogitationibus præmissis, neminem equidem puto inficias esse iturum, Præconem Religionis, qui coram populo de Divinitate verba faciat, qui Auditores imbuere optet doctrina, qua Deum Creatorem, Sustentatorem ac Gubernatorem omnium cognoscant, cognitumque Eum sibi sic repræsentent, ut animus eorum Religionis moveatur veritate, & ad officia implenda excitetur, uti debere verbis, quæ ex facultatibus, actionibus, rebusque capiantur humanis, ut scientia, notitia, sapientia, justitia, honestate, benevolentia, caritate, potentia, libertate; de cetero, qui gravi illo fungitur munere, alios docendi, ejusmodi ex rebus inter homines occurrentibus loquendi petat modos, qui ad notitiam de Summo Numine magis conspicuam, simpliciorem, & ad ani-

* o ii *

nimum Auditorum accommodatiorem reddendum
conducant d). Deum hoc respectu dicere mihi vide-
tur, orbem universi, quantus quantus est, cogitatione
percurrere, mundum regere atque gubernare, actio-
nes humanas considerare, secum reputare & ad me-
tas contingendas propositas instrumenta eligere opti-
ma, certissima, homines caritate amplecti, salutem
que & praesentem & futuram eorum cupere promo-
vere, bonis virtuteque ornatis delectari, atque e con-
trario, pravis & virio deditis offendit, peccata iram
Eius concitare, bonas vero actiones ei esse remune-
randas et quæ cetera. Quæ omnes loquendi formu-

B 2

læ

d) Hoc loco verba Autoris celebris Mellin in Libr. antea
cit. mea faciam: "Es ist unmöglich von Gott zu reden
und ihn zu denken ohne auch nicht die feinste mensch-
liche Vorstellung einzumischen. — Vener. Doederlein
in Libro Theologice suo præstantissimo hac de re ita
liquitur: *Omnis cognitio de Deo Anthropopatica vide-
tur, notionibus et verbis adstricta, e re humana de-
ductis et per similitudinem quandam ad Deum trans-
platis.*" — Hoc loco verba Cel. Prof. et Conf. Cancel.
Porthan proferre audeam: "Exploraverit igitur S. Orat-
or studiose et plebis ingenium in universum et suorum
maxime Auditorum mores; ad captum illorum seje de-
mittat, verba, phrases, sententias adhibeat non nisi fa-
miliares illis vel facile intelligendas, bujusque rei e-
tiam inter scribendum perpetuo memor sit — huic igi-
tur eorum ingenio operis sui formam esse accomodan-
dam, in memoriam crebro revocet." Vide Disput.
Acad. de Elocutione Sacri Oratoris Anno 1784 Ab.
editam.

læ ab intelligentibus capiuntur & sanis pure atque integre, ab illis contra, qui cognitione imbuti sunt minori, ita ut mens eorum illustretur, cupiditates eorum coērceantur, virtutes exerceantur, confirmantur.

Observandum tamen est, Doctorem oportere Religionis, quando mentionem de summo facit Numinе eo consilio, ut de Deo, naturа & facultatibus Ejus notiones Auditorum explicet, evolvat, non vero de Ejus ad mundum hominesque relatione, ab ejusmodi se abstinere formulis dicendi, quæ tamen in hoc altero casu prodeesse atque adeo utilitatem quandam secum ferre possunt. In natura describenda Divina, opera, quantam vires valent ingenii, adhibenda ei est strenua, ne in Anthropomorphismum incidat dogmatium ^{e)}, quo Divina cum humanis confundat, quo noxam contrahat majorem, quam Auditoribus utilitatem adferat; integre igitur & sincere in id nitatur, ut cogitata pura depingat, attamen caveat, ne vana sit pictura, sine efficacia, quæ Auditoribus nauseam moveat eosque fatiget.

§. V.

Cum vero Doctori Religionis hoc incubuerit, ut Auditorum animis cognitionem de orbis Gubernatore ter-

^{e)} Diesen Anthropomorphismus muss man als den eigentlichen Quell der superstition ansehen. Vide Libr. supra cit. Dom. Mellin.

terrarium tam perspicuam, vivam & efficacem, quam possit facultas sua docendi, instillet, atque ut mens eorum ita sit excitata, ut viam virtutis olim incedendi consilium capiat, sibi se ad gradum mentis culturæ, ad quem adscenderunt Auditores, esse demittendum & propterea verba, cogitataque exprimendi modos, quos animo percipiunt Auditores, adhibenda ei esse, nemini quidem est negandum). Pauci vero hominum quidquam spirituale animo ita clare & luculenter proponendi facultate gaudent, ne quid corporei aut sensibus immisceant conspicui, cum quo spirituale illud conjunctum aliquo modo esse videtur.

Pau-

f) Egregium locum Celeb. Griesbach adponere liceat: "Den första och således visserligen en ganska viktig och respektabel del af menniskorna icke är i stånd att upp höja sig till de transcendentala begrepp, som Philosopher och Theologen göra sig om Guds högsta fullkom lighet; så är det en Lärares pligt att nedläta sig. Ville han, af öfverdrifvit nit att undvika allt Anthro popatiskt, underläta att tala om Guds rättfärdighet, nåd, barmhärtighet, längmodighet, välbefag till de dygdiga, o. s. v., efter dock alltid något mänskligt vid läder dessa begrepp; och ville han i stället för dessa populära föreställningsfått alltid brukta blott de mera renfade, som nyttjas i Philosophernas Skola; så skulle de fleste Åhörarne blifva alldeles utan verkliga begrepp och hos de få, som till äfventyrs kunde fatta Lärarens undervisning, skulle väl till större delen uppväckas mer beundran öfver den Oändliges storhet, än sådana känslor, tankar, beslut o. s. v., som påsyftas med undervisningen om Gud."

Pauciores vero quidem his temporibus & apud nos Deum, hominem tamquam corpore membrisque instructum omnibus, sibi repræsentant aut cogitatione Eum ita amplectuntur, licet, homines pluribus seculis præteritis spirituale a corporeo plane non distinxisse, sed semper Deum naturasque spirituales, quibus universum impletum crediderunt, eandem habere figuram ac illam, qua ipsi essent ornati, putavisse, ex paginis haud ignoremus historiæ; nec animum humanum diu longeque tenebris involutum fuisse ignorantiae, neque ad ideam Creatoris sublimiorem se extollere posuisse, cum alia fere ei esset institutio, quam qua eum Poëtæ imbuerunt, qui forte eum magis conturbarunt, quam collustrarunt, nobis est admirandum. Quæ vero tempora jam dudum sunt præterlapsa. Nostra ætas lumine scientiarum fulget clariori, quapropter Divinum & spirituale ab humano & corporeo distingvimus, ita ut hoc æstimemus instrumentum, quo rationem, quæ spirituale inter & corporeum intercedere apparet, & quo communicatio quædam esse potest inter naturas finitas cogitantes, indicamus nec esse ulterius apud nos putamus nisi minimæ mortalium partis & fortassis tantummodo infantum facultates spirituales ita paululum excultas, ut ideam habeant Dei tam crasse anthropomorphicam, ut Eum tamquam hominem majestate venerabundum & a ministris circumdatum mandata statim exsequentibus repræsentent. Quod si ejusmodi Dei repræsentationes animis adhærere Auditorum Re-

ligionis animadvertisat Doctor, has ideas ex illis radicibus esse tollendas, aliasque Supremo digniores Numine atque hominibus ipsis utiliores inferendas, certo certius constat.

Ut vero maxima hominum pars rationem, quæ Creatorem inter & res esse videtur creatas, animo concipiatur vivido, ejusmodi ei opus est verbis, quæ spirituale cum corporeo comparant & menti hominum præbent occasionem a sensualibus & corporeis rebus oculos ad spiritualia vertendi. Linguae nostræ originem e sensuali ducunt. Nisi objecta, sensibus conspicua, quæ digitis quasi monstrare possemus, definiendi initium facheremus, de significatu verborum inter nos numquam conveniremus. Spirituale haud insolite a nobis ita fuit significatum, ut verba similitudinis caussa ex rebus, quæ sub sensu cadunt, petitam, ad eas, quæ intra nos fiant & agantur, indicandas operationes transferimus.

§. VR

Qui propterea facra obiit munera, & debet & sine periculo, ne mentem Auditoris in errores inducat aut in anthropomorphismam incidat noxiū, saepe verba & loquendi usurpare potest modos, qui ab humanis mundanisque rebus ducantur, cum hæ verba faciendi rationes nihilominus animum ad regiones (si mihi liceat ita dicere) olympicas transferant. Si Deum omnia, quæ sunt, accident & aguntur, non
igne-

ignorare dicere voluerit quisquam, hac se exprimere quidem potest ratione; Eum omnia videre, nihil oculis Ejus absconditum, quasvis res etjam occultissimas Ei esse dilucidas, licet nullus, nisi oculis instructus corporeis, proprie videre, cernere, perhiberi potest. Quæ cogitata explicandi rationes neminem quidem sana præditum mente irritent oportet, nullumque in Doctorem Religionis, illis utentem, probrum, quod, his usurpatiis verbis, ansam populo præbeat Supremum animo proponendi Numen tanquam oculis ornatum corporeis, esse jacturum credimus. Quotidiano enim sermone de nostra anima, quæ etjam spiritualis reperitur Natura, nos quoque dicere, illam rem videre quandam, qua dicendi formula indicatum velimus, illam eandem intelligere rem, reminiscendum quidem est. Hæ enim locutiones: aliquid intelligere, injuriam animadvertere, memoria comprehendere, futura prospicere, causam perspicere, pluresque ejusdem generis, originem ab humanis corporeisque rebus ducunt, sed jam ad spirituale quidquam indicandum translatæ sunt, atque nullus illas phrases e sermone esse delegandas quotidiano judicat. Quæ formulæ dicendi: Deus loquitur, Deus jubet, vetat, de extra mundum sustentat, poenas irrogat, præmio adficit, eodem explicandæ sunt modo; nullus enim, nisi mente captus, his loquendi modis in opinionem adducitur illam, Deum revera verba humano proferre more vel manu instructum omnia digitis quasi amplecti, sed e contrario fa-

facultatem quandam divinam his indicatam esse phrasibus, quisque sibi habeat persvasum.

Anthropomorphismum dogmaticum & crassior rem in his verbis non rite consideratis esse absconditum, cuidam forte videretur, quod oppugnatum nolumus, quod ad formulam dicendi solam, qua cum aliis cogitata communicamus, attingit, non vero quoad cogitationem ipsam. Auditor, ut rem mente apprehendat vera, ad tam puram spiritualitatem, quam mentis cultura ejus permittat, cogitatione allevata, corporeum ab his loquendi modis discernet. Doctoris igitur est Religionis concionem ita confitam ordinare, ut ne ardor populi & studium progressus in cultura faciendi majores diminuatur & tandem frigescat.

Qui vero omnes dicendi formulas & ejusmodi cogitationes aliis explicandi modos, qui a rebus profluunt humanis, summa evitat opera, quibus rite adhibitis ignarus spirituale atque divinum sibi repræsentandi & cogitatione amplectendi ansam habeat & qui semper & ubique, nulla ratione Auditorum habita, in novis & abstractis (ut dicere amant logici) verbis, ac loquendi modis insolitis inveniendis omnes intendit nervos, ille a vero muneris scopo, ab officii sui norma longe aberrans, nullum plerisque Auditorum affert emolumentum. Nec sermonem, nec sententias ejus insolitas, novatas aut nimis abstractas

C

pro-

proptereaque intelligunt, omnique abjecta cogitatione rem nec considerant nec perquirunt, sed dicta invanum abire sonum sinunt; motus, quibus mens eorum veritate Religionis rite explicata adficiatur, sedantur & sensim comprimuntur. Quod si cognitionerum Satoris & Statoris quædam his orationibus supra captum volitantibus humanum acquireretur, qualis sit? — vana omnino, frigida, otiosa, sine virtute & efficacia, quæ nexum inter homines necessarium simul cum religione atque virtutibus citius dissolvet quam confirmaret g).

An-

g) Præstantissimum locum Ven. Spalding de Perspicuitatis Popularis Sacro Oratori diligenter comparandæ studio non possum, quin hic apponam: "För att med våra under-
visningar och förmaningar åstadkomma en större nytta,
skulle våra predikaningar utan tvifvel bliiva ett kraftigt
medel, om vi öfveralt betjente os af ett sådant
språk, af ett sådant fätt att uttrycka os, som vore en-
ligare med våra Åhörares vanliga föreställningsfätt,
öflikaligen begripligare för dem och till uppväckande
af deras bifall och goda uppsät verksamare. De ve-
tenfskapliga Talesfätt och sådane som till en del grunda-
sig på ett genom böckers läsande någorlunda odladt
lörstånd äro dem merendels för främmande, för långt
affskilgde från de idéer, med hvilka de i det dagliga
leivernet beständigt fysfelta sig; de anse det såsom
en inösvad konst och lärdom, till hvilken de icke kun-
na upplysta sig; och utom den i allmänhet mörka fö-
reställningen, att däruti ligger något högt och heligt
skall man svårligen därmed kunna uppväcka de verk-
lamma känslor, som äro starka nog att leda finnet och

Anthropomorphismum igitur crassiorem, qui
Deum, tamquam hominem, materia vestitum, muta-
tioni obnoxium adserit & propterea animum huma-
num a Divino & spirituali Dei conceptu ad corpo-
reum sensuque perceptum, abstrahit, omni modo esse
effugiendum & eradicandum, tam lubentes credimus,
quam persuasi sumus, neminem a nostra discessurum
esse sententia, anthropomorphismum (si hoc vocabu-
lo uti quidem debemus) confirmante, eatenus esse
necessarium, utilem ac licitum, quatenus formulis
utamur dicendi, quæ mentem eo certius illustrant &
ad sublimius quidquam cogitandum eam ducunt, quo
magis ad rudiores docendos & collustrandos sunt ae-
commodatae.

"lefvernet — Till den ändan böra vi få mycket möj-
"ligt är i föreställningsfält nedlåta os till våra Åhörare,
"börja med deras grundsättfer och känslor, därifrån
"tänka vidare med dem, bringa sanningen i möjligaste
"måtto innom deras vanliga fattningskrets och därigenom
"föranlåta hos dem den fruktbara tankan: *det är ju*
fant, så bör det vara."

